



Broj: 02-11-1281/22-AP-16

Datum: 20.06.2022. godine

Na osnovu člana 25. i 70. Zakona o javnim nabavkama („Službeni glasnik BiH“, broj: 39/14), člana 29. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Grada Zavidovića“, broj: 1/2022) i člana 12. Privremene statutarne Odluke Grada Zavidovići («Službeni glasnik općine Zavidovići», broj: 4/22), te preporuke Komisije za javne nabavke, u predmetu odabira najpovoljnije ponude dodjele ugovora o javnoj nabavci radova „Rekonstrukcija ceste Alići-Zubić-Dubravica“, Gradonačelnik Zavidovića, donosi

O D L U K U

Član 1.

Poništava se Odluka o izboru najpovoljnijeg ponuđača broj: 02-11-1281/22-AP-13 od 06.06.2022. godine iz razloga što izabrani ponuđač „HAJDIĆ“ d.o.o. MAGLAJ nije dostavio traženu dokumentaciju (originalne ili ovjerene kopije dokumentacije iz člana 45. i 47. Zakona o javnim nabavkama).

Član 2.

Prihvata se preporuka Komisije za javne nabavke, te se Ugovor o javnoj nabavci radova „Rekonstrukcija ceste Alići-Zubić-Dubravica“, dodjeljuje drugorangiranom ponuđaču GTPD, „POROBIĆ“ d.o.o. ZAVIDOVIĆI koji je dostavio ponudu broj: 05-02/22 od 05.05.2022. godine u postupku dodjele ugovora o javnoj nabavci radova „Rekonstrukcija ceste Alići-Zubić-Dubravica“, broj 02-11-1281/22-AP-3 od 14.04.2022. godine, u kojoj je nakon e-aukcije ponuđena ukupna cijena od 104.467,80 KM bez uračunatog PDV-a.

Član 3.

Izabrani ponuđač ima obavezu dostavljanja dokumentacije propisane tenderskom dokumentacijom (u originalu ili ovjerenoj kopiji) u roku 5 (pet) dana od dana prijema Odluke.

Član 4.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 5.

Ova odluka objavit će se na web stranici ugovornog organa istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 6.

Ova odluka stupa na snagu danom donošenja.

O b r a z l o ž e n j e

Odlukom Gradonačelnika broj 02-11-1281/22-AP-3 od 14.04.2022. godine pokrenut je postupak dodjele ugovora za javnu nabavku radova „Rekonstrukcija ceste Alići-Zubić-Dubravica“, putem otvorenog postupka za koji je dana, 15.04.2022.godine upućeno Obavještenje broj 1374-1-3-71-3-41/22 na objavu u Informativni sistem „E-nabavke“.

Na adresu Grada Zavidovići do krajnjeg roka za dostavu ponuda 05.05.2022. godine do 12,00 sati dostavljeno je 6 (šest) ponuda, i to ponude sljedećih ponuđača po prijemu prispjeća: 1. „HAJDIC“ d.o.o. MAGLAJ; 2. „DOBOJ PUTEVI“ d.d. DOBOJ JUG; 3. GTPD „POROBIĆ“ d.o.o. ZAVIDOVIĆI; 4. „GEO PUT“ d.o.o. MAGLAJ; 5. „MGV GRADNJA“ d.o.o. ZAVIDOVIĆI i 6. „KOMGRAD-ZE“ d.o.o. ZENICA.

Komisija za javne nabavke zaprimila je pristigle ponude, izvršila njihovo otvaranje, te izvršila pregled i ocijenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće: da je pristigle ukupno 6 (šest) ponuda, da su sve blagovremeno zaprimljene i da nije bilo ponuda koje su odbačene kao neuredne u skladu sa članom 68. Zakona o javnim nabavkama.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocijenu kvalifikovanosti ponuđača, te ocijenu prispjelih ponuda, u skladu sa kriterijima iz tenderske dokumentacije.

Nakon provedenog postupka e-aukcije dana, 30.05.2022. godine, Komisija za javnu nabavku Grada Zavidovića dostavila je Zapisnik o pregledu i ocjeni ponuda broj: 02-11-1281/22-AP-12 od 01.06.2022. godine u kojem je izvršila rangiranje ponuđača kako slijedi:

R/br	Naziv/ime ponuđača	Ponuđena cijena bez PDV-a
1.	„HAJDIC“ d.o.o. MAGLAJ	95.863,59 KM
2.	GTPD „POROBIĆ“ d.o.o. ZAVIDOVIĆI	104.467,80 KM
3.	„GEO PUT“ d.o.o. MAGLAJ	108.955,50 KM
4.	„MGV GRADNJA“ d.o.o. ZAVIDOVIĆI	111.461,00 KM
5.	„DOBOJ PUTEVI“ d.d. DOBOJ JUG	117.134,70 KM
6.	„KOMGRAD-ZE“ d.o.o. ZENICA	118.250,65 KM

Ugovorni organ je dana, 06.06.2022. godine donio Odluku broj 02-11-1281/22-AP-13 kojom je prihvaćena kao najpovoljnija ponuda ponuđača „HAJDIC“ d.o.o. MAGLAJ. Nakon što je ponuđač „HAJDIC“ d.o.o. MAGLAJ zaprimio Odluku broj 02-11-1281/22-AP-13 od 06.06.2022. godine, nije dostavio dokumentaciju iz člana 45. i 47. Zakona o javnim nabavkama, a koje je bio dužan da dostavi u skladu sa Tenderskom dokumentacijom i članom 3. ove Odluke, odnosno u roku 5 (pet) dana.

Kako je rok za dostavu dokumentacije istekao zaključno sa 13.06.2022. godine, a izabrani ponuđač nije blagovremeno dostavio propisanu dokumentaciju, to nije postupio u skladu sa uslovima iz Tenderske dokumentacije.



Shodno članu 72. stav 3. Zakona o javnim nabavkama ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača, te je ugovor dodijeljen drugorangiranom ponuđaču GTPD „POROBIĆ“ d.o.o. ZAVIDOVIĆI.

POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema. Žalba se izjavljuje ugovornom organu u pisanoj formi direktno, ili preporučenom poštom pošiljkom. Žalba se podnosi u najmanje tri primjerka.

Dostavljeno:

1. Učesnicima u postupku
2. U spis.

Obradio/la: 
(Sanela Mulahasanović)
Kontrolisao: 
(Midhat Bajramović)



GRADONAČELNIK
doc.dr. Mašim Mujanović

